



Pou Piblikasyon Imedya: 04/05/2023

GOUVÈNÈ KATHY HOCHUL

GOUVÈNÈ HOCHUL METE AKSAN SOU ENVESTISMAN BIDJETÈ POU SIPÒTE TRAVAYÈ YO AK RANN NEW YORK PI ABÒDAB

Bidjè Ane Fiskal 2024 la ogmante salè minimòm a 16 dola nan Vil New York, Long Island, ak Westchester ak 15 dola lòt kote nan eta a, ki pral swiv yon ogmantasyon 0.50 dola anyèl an 2025 ak 2026, ki lye salè ak Endis Pri Konsomatè a

Ajoute 391 milyon dola pou Pwogram Asistans Lwaye Ijans New York la pou sipòte plizyè milye lòt lokatè ak fanmi, enkli rezidan Otorite Lojman Vil New York yo ak benefisyè bon Seksyon 8 la

Elaji Kredi pou Timoun Empire State la pou timoun ki poko gen kat ane, pou sipòte prèske 630,000 lòt timoun

Enkli 1.1 milya dola nan novo finansman pou MTA ak amelyorasyon sèvis tren nan moman ki pa chaje yo pou diminye estrès pou vwayajè klas travayè yo

Gouvènè Kathy Hochul jodi a te mete aksan sou envestisman Bidjetè pou Ane Fiskal 2024 la pou sipòte travayè yo epi fè New York vin pi abòdab. Bidjè a gen ladan I envèstisman ak inisyativ pou abòde kriz abòdabilite a la lè li sipòte vwayajè klas travayè yo, elaji Pwogram Asistans pou Lwaye Ijans (Emergency Rental Assistance Program, ERAP), elaji Kredi pou Timoun Empire State (Empire State Child Credit, ESCC) pou timoun ki poko gen kat ane, epi bay Nouyòkè yo yon ogmantasyon salè lè yo ogmante salè minimòm lan epi lye li ak Endis Pri Konsomatè a. Gouvènè Hochul te rankontre ansanm ak lidè travay òganize yo ak ofisyèl eli lokal yo nan anons jodi a.

"Soti nan ogmante salè minimòm ki bay plizyè santèn milye moun yon ogmantasyon pou rive agrandi gadri pou fanmi yo, n ap pran mezi transfòmatif pou adrese ogmantasyon chète lavi a epi bay soulajman ekonomik pou Nouyòkè yo", **Gouvènè Hochul te deklare.** "Nou p'ap janm fayi nan efò pou nou bati yon New York ki pi fasil pou viv epi ki pi abòdab pou Nouyòkè jodi a ak demen yo."

Chète lavi pou fanmi k ap travay nan Eta New York te ogmante anpil nan ane sa a sèlman. [Yon dènye rapò Fondasyon Ford](#) te jwenn ke 50 poustan nan tout Nouyòkè ki gen laj travay ap lite pou yo peye bezwen debaz yo. Nouyòkè Latino, Nwa ak imigran

yo, ansanm ak kay ki gen timoun yo, yo afeke yon fason ki pa pwopòsyonèl akòz ogmantasyon chète lavi a. Kòm repons, Gouvènè Hochul te goumen pou aplike mezi transfòmatif nan Bidjè Ane Fiskal 2024 la pou bay Nouyòkè yo sekirite ekonomik.

Inisyativ transfòmatif ak envestisman ki enkli nan Bidjè a pou sipòte travayè yo epi fè New York vin pi abòdab genyen ladan yo:

- 25 milyon dola nan sipò renouvlab pou plis Sèvis Aksè ak Sipò pou Avòtma
- Pwogram Youth Jobs Connector (Konektè Travay pou Jèn yo) pral bay sipò edikatif solid ak fòmasyon travay bay jèn moun ki p ap travay ak sila yo ki pa gen ase travay ki gen laj 16 a 24 ane epi prepare yo pou mache travay la.
- Ogmante salè minimòm Eta a epi answit lye li ak mwayèn mobil sou twazan nan kad CPI-W pou Rejon Nòdès la pou asire chèk peman Nouyòkè yo reflete ogmantasyon chète lavi a
- 391 milyon dola nan Pwogram Asistans pou Lwaye Ijans New York la pou sipòte plis lokatè ak fanmi yo, ki gen ladan rezidan NYCHA yo ak lòt rezidan lojman publik yo ak moun k ap resevwa bon Seksyon 8 federal yo
- 50 milyon dola pou yon Fon Estabilizasyon Pwopriyetè Kay pou finanse reparasyon kay nan 10 kominate atravè eta a ke yo te idantifye kòm kote ki gen pwopriyetè koulè ki gen revni fèb ak pwopriyetè ki an detrès ki elve
- Ogmante Kredi Timoun Empire State (ESCC) pou enkli timounki pokò gen kat ane, ki bay 179 milyon dola nan sipò total pou pase 525,000 kontribyab ki gen revni ba ak mwayen gras ak enklizyon prèske 630,000 timoun anplis la.
- Ogmante aksè benefisè asistans publik yo ak edikasyon ak opòtinite fòmasyon nan elimine egzijans pou edikasyon dwe konbine avèk lòt aktivite apre 12 mwa nan edikasyon apre segondè.
- Diminisyon "falèz avantaj" asistans publik nan neglije revni benefisyè yo touche atravè pwogram fòmasyon mendèv ak pandan sis mwa apre yo antre nan travay, elimine yon baryè kle nan patisipasyon mendèv la pou Nouyòkè ki gen revni fèb yo.
- 65 milyon pou redwi ogmantasyon pri tikè yo pwopoze nan MTA soti 5.5 poustan rive 4 poustan ak 35 milyon dola nan envestisman sekirite pou pwoteje pasaje yo.

Rick Maroko, Prezidan, Hotel and Gaming Trades Council (Konsèy Metye Otelri ak Jwèt Aza), te deklare, "Soti nan agrandi gadri sibvansyone ak ogmante salè planche pou Nouyòkè yo, rive bay finansman enpòtan pou transpò publik, bidjè sa a adrese gwo pwoblèm finansyè ki kenbe fanmi k ap travay yo reveye nan mitan lannwit. Mèsi, Gouvènè Hochul, Lidè Majorite Stewart-Cousins, ak Prezidan Heastie, paske yo te adopte yon bidjè ki fè yon diferans reyèl ak tanjib nan lavi plizyè milyon Nouyòkè."

Mario Cilento, ki se Prezidan AFL-CIO Eta New York la, te deklare, "Mouvman sendika a kwè trè fòtman nan ansyen pwovèb ki di 'aksyon pale pi fò pase mo.' Epi jodi a se aksyon k ap poze. Se rezulta k ap bay. Ogmante ak endekse salè minimòm lan ak

bay gadri abòdab ak aksesib se yon bagay nou tout ka fyè de li. N ap fè New York vin pi abòdab pou moun k ap travay ak fanmi pa yo. Mwen bat bravo pou Gouvènè Hochul paske li te entwodui pwopozisyon sa yo ki te pote tou de pwoblèm yo nan sant negosyasyon bidjè eta yo. Nou remèsye tou de chanm lejislati a ki fè yo vin lwa. Istwa fèt epi moun k ap travay ansanm ak tout Nouyòkè yo pral benefisyé".

Gary LaBarbera, Prezidan Metye Konstriksyon Eta New York (New York State Building Trades) la, te deklare, "Si nou vle kontinye trajèktwa asandan nou an epi atenn objektif sosyal ak ekonomik nou yo, li enpòtan pou nou fè plis pou nou ankouraje Nouyòkè k ap travay di yo ak fanmi yo lè nou ofri yo karyè ak resous ki byen peye ki amelyore kalite lavi pa yo. Se poutèt sa enklizyon envèstisman ki pral abòde kriz abòdabilite a, ogmante salè, amplifye sistèm sipò kominotè yo, epi bay plis chemen pou klas mwayèn lan nan bidjè Eta a enpòtan anpil. Nou aplodi Gouvènè Hochul paske li kenbe angajman li pou elve Nouyòkè klas travayè yo, ki gen ladan I komèsan ak komèsant devwe nou yo, epi nou pa ka tann pou kolabore avèk li ak lòt moun ki gen enterè kle yo pou sipòte inisyativ sa yo."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)